



Udruženje/udruga "BH novinari", Kralja Tvrtka 5/5, 71000
Sarajevo Telefoni: 033 223 818, 033 217 302
E-mail: bhnovinari@bhnovinari.ba, WEB: www.bhnovinari.ba

Datum: 11.07.2018.

Broj: 01 -67 /18

Mjesto: Sarajevo

Predmet: *Odgovor na upit o sudjelovanju studenata FPN Banjaluka na edukativnim programima BH novinara "Novinarska akademija"*

Poštovana Dragana,

Udruženje/udruga BH novinari od 2013. godine organizuje Novinarsku akademiju, vaninstitucionalni program edukacije studenata novinarstva i mladih novinara. Radionice su interaktivnog karaktera, potiču sudionike i sudionice na učešće u diskusijama i razvijanje kritičkih sposobnosti.

Učešće na Novinarskoj akademiji podrazumijeva i kreiranje medijskog sadržaja od strane sudionika, uz mentorstvo univerzitetskih profesora iz BiH, kao i objavljivanje priča. Pojedini programi edukacije, kao što je Izvještavanje o temi rodno zasnovanog nasilja, predviđali su honorarne naknade za producirane tekstove.

Od 2013. godine održano je na godišnjoj osnovi minimalno po dva modula u trajanju 3-5 dana. BH novinari nastoje za svaki modul osigurati sudjelovanje studenata sa svih univerziteta i fakulteta (odsjeka komunikologije i žurnalistike) u Bosni i Hercegovini, uključujući studente i studentice Fakulteta političkih nauka (FPN) Banjaluka.

Udruženje BH novinari zabilježilo je veliki interes studenata i studentica FPN Banjaluka za sudjelovanjem na Novinarskoj akademiji u prethodnim godinama. Na svakom modulu koji je do sada organizovan sudjelovalo je barem 4-6 studenata koji su pohađali FPN Banjaluka, što je ukupno oko 70 polaznika Novinarske akademije sa ove visokoškolske ustanove od 2013. godine.



Teme koje su do sada bile u fokusu edukativnih programa i interaktivnih radionica su:

- Fer, izbalansirano i nepristrasno izvještavanje u vrijeme predizborne kampanje,
- Izvještavanje o manjinama i ranjivim grupama,
- Izvještavanje o temi rodno zasnovanog nasilja i

- Uloga medija i medijskog izvještavanja u jačanju mira, tolerancije i stabilnosti u BiH.

Evaluacije Novinarske akademije do sada su u više navrata potvrdile ispunjenje očekivanja sudionika po pitanjima relevantnosti predavača, izbora tema, prezentacija i praktičnih vježbi. Studenti su uglavnom izrazili interes za pohađanjem sličnih radionica u budućnosti jer ove vidove edukacije smatraju važnim za njihovo profesionalno usavršavanje.

S poštovanjem,



Arman Fazlić, Sekretarijat Udruženja/udruge BH novinari